

A Mafaufau faalelalagi poo le faalelagi?

❖ O lo tatou taula'iga (Kolose 3:1-4)

- Amata mai i le mafuaaga ua tatou toetutu faatasi ai ma Keriso i le papatisoga (Kolose 2:12), ua uunaia i tatou e Paulo e mulimuli atu ia Iesu i le mea na afio i ai o ia ina ua mavae lona toetu: o le nofoālii lea o le Atua (Kolose 3:1).
- Ioe, e na o le faaletino lava e mafai ona tatou faia ai lenei mea pe a aveina i tatou e Iesu iina i lona Afio Faalua Mai (Kolose 3:4). Ae mo le taimi nei, e tatau ona tatou taulai atu o tatou manatu—o la tatou sini—i mea faalelagi (Kolose 3:2).
- Ua tatou “oti,” ma o lo tatou ola “ua natia faatasi ma Keriso i le Atua” (Kolose 3:3). O le ola o loo ta’ua iinei o le ola tatou te maua pe a tatou taliaina Keriso.
- Ae o le ola lea, ina ia tumau ai le ola, e mana’omia ona fagagaina i aso uma (2 Kori. 4:16). I aso uma e tatau ona tatou sailia “mea o i luga,” “ia taula’i atu o tatou mata ia Iesu” (Epe. 12:2 sov).

❖ Oti i mea faalelalagi (Kolose 3:5-6)

- Talu ai ua tatou toetutu faatasi ma Keriso ma ua tatou ola ma mafaufau i mea faalelagi, e tatau ona tatou fasiotia mea uma e taofia ai i tatou mai le faataunuuina o la tatou sini: o mea faalelalagi.
- Ina ia leai se tasi e faaseseina, ua fa’ailoa mai e Paulo poutu o mafaufauga fa’alelalagi (lea o le a ia fa’alauteleina mulimuli i ni manatu maoti): “o le faitaaga, o le amio leaga, o le faamataitu, o le tu’inanau leaga, ma le matape’ape’a, o le ifo i tupua lava lea” (Kol 3:5).
- E le’i tele se suiga o le natura o le tagata talu mai le taimi o Paulo, auā o loo siomia pea i tatou e lagona masani e solia ai le uiga moni ma le agaga moni o Poloaiga e Sefulu.
- Aiseā e tatau ai ona tatou “fasiotia”—lafoa’i, ave’esea—nei mea mai o tatou mafaufauga ma amioga? Auā latou te aumaia le “to’asa o le Atua” ma e lē fetau i ma lo tatou natura faalelagi (Kol 3:6). Ia fasioti mea faalelalagi a’o le’i fasiotia oe e mea faalelalagi!

❖ Ia oofu i le faalelagi (Kolose 3:7-11)

- I le faiga moni o le faataoto, na faaopoopo atu ai e Paulo i poutū e lima o mafaufauga faalelalagi amioga e lima e tatau ona aloese ai: “ita, lotoa, lotoleaga, upu leaga, ma upu mataga” (Kolose 3:8), ma faaiu i le gaoioiga lona ono—le mea e sili ona leaga—: “Aua le fetaupeleloai” (Kol 3:9).
- Ua manatu Paulo ua uma ona tatou “tuu ese le tagata tuai ma ana amioga” (Kol 3:9). Ua tatou aveeseina o tatou “ofu eleelea” ina ua tatou faatagaina Iesu e aveese a tatou agasala (Sakaria 3:4).
- A to’esea na ofu, e tatau ona tatou ofuina “ofu matagofie.” O le oofuina o nei ofu fou, e fa’afouina ai pea i tatou, ma tuputupu pea i le pa’ia i lea aso ma lea aso (Kol 3:10).
- A o faafouina i tatou e le galuega a le Agaga Paia ma le suesueina o le Afioaga a le Atua, o le a mou atu ai pa pupuni o loo vavaeeseina ai i tatou (Kol 3:11).

B Uiga o le ola fou ia Keriso:

❖ O le fusi o le atoatoa (Kolose 3:12-14)

- O tatou o le “nuu filifilia a le Atua, o ē ua paia ma ua alofaina” (Kol 3:12). Ua ta’u mai e Peteru o lenei mea e aumaia mo i tatou ni faamanuiaga tetele ma se tiutetauave tele (1 Pet 2:9). Ae faapefea ona amio se tasi o ē ua filifilia e le Atua (Kol 3:12-13)?
 - (1) Ma le alofa mutimutivale
 - (2) Ma le agalelei
 - (3) Ma le loto mauualalo
 - (4) Ma le agamalu
 - (5) Ma le onosai
 - (6) Ma le fefaapalepaleai
 - (7) Ma le fefaamagaloai
- Ma o nei mea uma e i totonu o le anotusi o le fusi o le atoatoa: o le alofa (Kolose 3:14). Ma o a tatou faamanuiaga ma tiutetauave nei:
 - (1) *AOGĀ: O le amio fa'apenei, o le a avea ai i tatou ma fa'amanuiaga i isi ma i tatou lava.*
 - (2) *MATAFAIOI: Ia viia le Atua i a tatou amioga, ma ia faamalosia nisi e talitonu ma mulimuli ia Iesu*

❖ O Mea'ai Fa'alelagi (Kolose 3:15-17)

- O loo faaalai mai e le Kolose 3:15-17 le auala e fafaga ai lo tatou natura faalelagi (ma e foliga mai e le mafai ona tatou fafagaina i se nofoaga tuufua, ae tatou te manaomia le mafutaga a le ekalesia mo lenei galuega):
 - (1) Faataga le filemu o le Atua e pulea i tatou
 - (2) Tumau pea i le lotogatasi o se tino e tasi
 - (3) Loto faafetai
 - (4) Suesue atili i le Tusi Paia
 - (5) Aoao i isi mea ua tatou aoaoina
 - (6) Usuina o salamo, viiga, ma pese faaleagaga
 - (7) Faia mea uma i le suafa o Iesu
- “O le pese o se auupega e mafai ona tatou faaaogaina i taimi uma e tetee atu ai i le lotovaivai. O le tatalaina o o tatou loto i ave o le malamalama mai le afioaga o le Faaola, o le a tatou maua ai le soifua maloloina ma maua Ana faamanuiaga” (Ellen G. White, “The Ministry of Healing,” p. 196).